

西寧府續志

上册



地志

卷

一

俞

卷

西寧府續志



西寧府續志序

西寧府志自松門楊氏創脩
而後迄今約二百年尚無續
編問昔前西寧道張竹卿有
見於此嘗草纂之稿甫脫張

去任功效垂成及先嚴宣慰

青海振興文教命周君子揚
進引其事得教育局長基
生蘭抄存誌志副本十卷
閱之覺魚魯訛奪及僕雜

教遂從而校箋之旋以果洛
變起復寢其事丙子夏余
代庵省政欲繼先教未竟
之志成立青海省志略妻自
會以以基君主理之第以採

訪未獲端倪長編正尤有待
丁丑中秋余離職之前晤基
君及馬君宵石設次怡然快
志蓋本原存來敬與先生處
來氏後裔式微已不翼而飛

矣聞之不勝慨歎深恐前人
善舉沒而不彰乃屬基馬二
君本子揚之笈訂詳為修正
付印二君以責重推余秘書
人協助並令善書者四人供

謄錄整理將竣又增志餘一卷
續其末以待後繼者之採擇閱
三月而始告成因書原委以弁
其首時民國二十六年冬

杞軍馬步芳謹序

原序一

郡之有志所以紀事實也寧郡新志係乾隆丁卯松門楊公所撰彼時承平已久典策俱在猶易廣諮博採以求精詳故新志一函洵堪爲

國史之資源志書之善本也披覽之餘景仰者久之計乾隆至今已百有餘歲其間版圖之擴大官制之增加如貴德丹噶爾改設同知循化廳隸入郡治與夫繼起之名宦特出之將才閭閻戶口之繁衍學校倉廩之添設以及一切變更事實皆應續入郡志上以備輶軒之採下以垂久遠之謨况同治初元兵事紛紜甘肅一帶半成焦土朝廷命恪靖侯左公宗棠率師西征戈矛所指望風披靡而西寧各處尙負固不服左公憂之檄遣劉京卿錦棠統領老湘馬步諸軍并力攻擊越七旬始克小袞進解城圍殲厥渠魁安撫羣黎寧郡各屬烽煙盡淨此其功正力有不容湮沒者也若夫陣亡將弁與難官紳捐軀士民殉節婦女浩氣英風忠肝義膽皆足爲郡邑生色倘不及時採入勒爲成書恐其後久而無聞此續志之修所

以不容已也幸歲又連熟闔郡又安商之豫星使錫之張觀察价卿協同紳士來維禮楊大柯莫自恕等設局纂修四出採訪務徵實蹟起例發凡立綱分目悉遵楊公新志自光緒丁丑創始閱明年戊寅而脫稿奈兵燹之後典文多失兼之歷年久遠故老無存欲如楊志之博雅憂乎其難惟此編所志多同治間事以前事蹟不無掛漏特標出之以待後來大雅君子之增補焉

光緒八年歲次壬午秋八月既望二品頂戴鹽運使銜特授甘肅西寧兵備道西蜀鄧承偉序

原序二

古者封建皆有史以記事後世罷封建爲郡縣而志書以興此不獨名宦師儒有所考証卽村野之氓賤俚之婦其事苟有可取均宜在所不棄洵足以宣風教而示來茲使善惡知所勸懲豈僅屑屑於山川物產以資廣見異聞而已乎湟中舊有西寧新志係乾隆丁卯觀察楊公所著詳細美備堪追前史然彼時郡治僅領西寧大通碾伯三縣巴燕戎格一廳貴德一所至於乾隆壬子歲改設貴德爲同知迨夫

宣宗御極復於丹噶爾添設同知又將循化廳隸入郡治式廓日增人民日衆固赫然一大郡也洎同治初元湟郡遭兵燹者已閱十年上而殉難之官紳下而盡節之士女不可勝數幸賴京卿劉公錦棠盪平烽煙安撫羣類招集流民散牛具給籽種使之墾田設義塾頒書籍使之就學是劉公之功勳洵足垂諸青史矣倘非隨時續入郡志恐忠義之氣闕而不章彪炳之功久而或沒皆有官守者之過也適鄧公承偉來守斯郡目擊時艱凡百廢之事莫

不備舉遂乃協同衆紳設局採訪幾易葛裘而其稿始脫然猶不敢自信必俟多所折衷乃可付之剞劂至光緒辛巳余蒞西寧府任時公攝道篆遂出是書以示余相與協力同心詳爲考核見其紀載詳明纂修盡善是志也洵堪媲美古史矣其有關於人心風俗豈淺鮮哉因不揣固陋略贅數語附之篇首藉表續志者之苦心孤詣云爾光緒九年歲次癸未春三月朔二日欽加鹽運使銜特授甘肅西寧府正堂長白定祥序

凡例

- 一 郡志與國史相爲表裏然必記實方可信今而傳後西寧府新志作於乾隆丁卯迄今百有餘歲其間事實繁多恐歷久而湮沒重加搜緝纂成續志立爲十綱條目類分以期詳而有體
- 一 寧郡新志係前西寧道楊應琚所撰綱目條列論斷精詳信而有徵茲編續志悉遵舊體未嘗稍異以善創不如善因也
- 一 續志起於乾隆十二年止於光緒四年前事已載楊志者不贅間有遺漏則補之
- 一 郡屬輿圖詳載前志雖循化廳丹噶爾廳係道光年間改設然其疆域城池山川水利堡寨則大略相同故不另製新圖以免重複
- 一 城郭公署祠廟學校倉廩津梁關隘其從新建置者有舉必書若重加修葺則非創造可比茲附載其間亦比類相從之意也至舊制已廢者雖廢猶書蓋望有志者之

復興云

- 一 寧郡山高氣寒歲不再登田制不同賦入亦異歷年來荒免豁除者有之報墾陞科者有之茲爲稽定以明田賦之額
- 一 湟中兵制因時變更除戎器而廢駝馬罷備兵戎兵而存民兵土兵增減營汛安插藏族一一詳載以誌不忘
- 一 有功於民者始列名宦其餘官吏政績只載綱領卷內不再贅述
- 一 序次人物或勳業顯著或學問優長或品行廉正去取一憑公論閱者諒之
- 一 爲國捐軀殉難盡節者應列忠烈傳第經同治兵燹凡死事官紳陣亡兵勇與難居民姓字不可勝數爰於忠烈傳外附殉難一條以慰忠魂
- 一 孝義皆屬美德惟西寧地方僻遠凡屬孝義有已經旌表者有未及舉報者茲詳採事實編孝義傳悉列入之
- 一 節婦烈女除建坊者悉已載入外其窮鄉僻壤冰雪心肝松筠節操所在恒有茲於

訪聞確實者卽隨時登記以發潛光而寓表章

一 地方人材除文武科目外或承蔭世襲或奮起戎行皆國家立賢無方之至意故分別叙載以昭來許

一 志有綱領一條楊公之舊例也茲綜文武宦績暨郡邑百餘年來治亂得失盛衰興廢諸大端分類續編以資瀏覽

一 寧郡藝文擇錄雅訓者以備參考

自光緒四年起迄青海建省之時(民國十七年)其間鄉賢名宦及其他一切事蹟昭昭在人耳目者新編志餘一卷以待續修者之採擇

一 本書原稿雖幾經修正力求稚訓但以排印匆促錯訛難免尙望閱者諒之

西甯府續志

目錄

卷之一

地理志

沿革

疆域

形勢附

山川

水利

古蹟

冢墓附

西甯府續志 目錄

一

青海印刷局印

風俗
物產

卷之二

建置志

公署

庫獄附

驛傳

學校

社學附

堡寨

倉廩

社倉附

津梁

關隘

漏澤園 白骨塔附

卷之三

祠祀志

壇壝

祠廟

寺觀

祥異

卷之四

田賦志

貢賦 番糧附

戶口

番民戶口

歲權

茶法

鹽法

錢法

卷之五

武備志

兵制 土兵附

塞外貢馬番族

卷之六

官師志

官制

職官

命使

武職

土司附

名宦

卷之七

獻徵志

人物

忠節

殉難附

孝義

烈女

仙釋

選舉

卷之八

綱領志

卷之九

藝文志

詔諭

御製

奏議

條議附

記

詩

卷之十

志餘

西甯府續志 卷之一

地理誌

《沿革》

西寧縣 碾伯縣 大通縣 貴德廳 巴燕戎格廳 (以上均詳前志)

新隸循化廳

循化係古羌地秦爲塞外地漢爲金城郡河關縣地其南爲金城郡白石縣塞外地後漢金城郡廢河關改屬隴西白石縣廢晉亦爲河關縣地又爲臨津縣地屬晉興郡後沒於劉曜苻堅滅涼地屬秦其後爲西秦所有後涼呂光取之龍飛二年天水公延以枹罕之衆攻臨洮武始河關皆克之光置澆河郡旋爲南涼禿髮烏孤所取中間入於吐谷渾西秦乞伏熾盤復取之慕末東遷地復入吐谷渾後周逐吐谷渾置洮河縣爲河津縣唐廢河津縣置米州及米川縣州旋廢屬河州永徽六年移縣於河北改屬廓州宋爲積石軍又爲循化城地又爲安疆砦地又爲懷羌城地金升積石軍爲州懷羌爲縣元因之州隸吐蕃

等處宣慰司都元帥府明廢州改所其地爲河州邊外地立保安起臺二堡清初因之雍正四年青海都統達爾西寧總兵官周開捷安插降番清查田地始定額數歸河州同治八年立循化營乾隆二十七年移河州同知於循化營仍隸蘭州府道光三年改屬西寧府

新設丹噶爾廳

舊屬西寧縣地乾隆九年西寧道楊應琚以路通西藏逼近青海爲漢土回番暨蒙古準噶爾往來交易之所因關要隘設縣佐一員旋經甘肅巡撫黃廷桂轉奏以高台縣主簿移駐之道光九年陝甘總督楊遇春題准改設同知儒學未設士子仍隸西甯縣應試

《疆域》 附形勢

西寧縣 碾伯縣 大通縣 貴德廳 巴燕戎格廳 (以上均詳前志)

新隸循化廳 道光三年改隸西甯府

治在府東南二百七十里東至積石關河南河州界迤北碾伯縣界相距六十里西至清水河貴德廳界一百九十里南至下則蓋寨洮州廳界三百五十里北至黃河不一里過河小積石山巴燕戎格廳界東

南至老鴉關河州界一百二十里東北至馬營集河州碾伯縣界一百四十里西南至賀爾寨蒙古界三百二十里西北過河至甘都堂堡巴燕戎格廳界三十里層關爲門屏以削峯塞番外薄黃河中通

新設丹噶爾廳道光九年改設同知

治在西寧府城西九十里東至鎮海堡關門西寧縣界三十五里西至巴彥托亥庄青海界二十五里南至日月山青海界八十里北至申中前後溝青海界二十里東南至曲布他溝西寧縣界二十里西南至塔爾灣青海界二十五里西北至下胡丹度庄青海界二十里東北至西納川拉沙爾喇課營汛西寧縣界三十里水抱東南山環西北地接青海路通三藏

《山川》

西寧縣 貴德廳 (均詳前志)

碾伯縣

石佛山——在縣東北六十五里解脫寺後以形似名相傳石佛甚靈倉加各族熟番及黃河南生番拜禱者絡繹不絕 藥水泉——在縣南一百七十里古鄯慈利寺西自山崖石孔流出潺湲不竭騰有聲其味

辛溫飲之愈胃疾每歲六月六日遠近居民多趨飲之原有藥王廟遭亂焚毀今重建焉 娘娘池——在古鄯西十里黃草山腰池長三十餘丈闊四丈餘深不可測遇旱遠如狄河之民亦來祈禱舊有三霄殿遭亂被焚 大殿泉——在古鄯下李家山腰形如殿庭其水淋淋天欲雨常出雲霧高過山巔遇旱禱之輒應 九池嶺——在古鄯南土人呼爲尖嶺上多松杉野花秀麗可愛下有泉九眼故名 瞿曇池——在瞿曇寺永樂殿內相傳西域喇嘛由海心山率徒至斯池飲馬遺其鞭番僧三刺建刹焉 鳳凰泉——在縣東北六十里張家寺

大通縣

八寶山——在縣東北百五十里與雪山相連物產甚饒松柏有數千載者西北入青海生番地水東流入甘州界 永壽山——在縣南里許又名龍山爲縣城前屏 照壁山——在縣城南 西峯山——在永安城西南有泉號西河台 大墩山——在縣城東南上建文峯塔 東山——在縣東南二里上建奎星閣 西山——在縣西里許萬峯環抱爲縣城後屏 毛牛山——在縣東三十五里元朔山之旁支也以形似名以上補前志所闕

巴燕戎格廳

拉扎山——在城東十五里 卡錯山——在城南二十里係赴甘都堡小徑由拉札山至甘都六十里由卡錯至甘都四十里 帽兒山——在城西北三十里 瑪燕山——在城西北三十里有二池一名娘娘池一名龍王池 樓子山——在城北端莊腦三十里 青砂山——在城東北三十五里 骨兒朶山——在城東三十五里 朶洞山——在城東八十里 奔坑山——在城東一百二十里山有石如棋盤然 朶加山——在城南十里邑人呼爲東山 阿米吉利山——在城西北七十里產眼砂並綠色石其質如玉略軟 除瑪山——在城東四十里下臨河灘產金砂 朶吾山——在城西南二十里 曲加山——在城西南八十里 泉集山——在城西南一百二十里林木叢雜 拉水硤——在城東南二十五里產紅銅 合兒羣硤——在城東南十里 多隆硤——在城南五里 阿灣硤——在城西南二十里 甘都川——在城東南六十里 水地川——在城西南七十里 官巴灘川——在城北十里 四塘川——在城西北四十里 札巴川——在城西北六十里 曲加灘川在城西南八十里 羣加川——在城西北百四十里

新隸循化廳

小積石山——在城北百餘步黃河北岸嶙峋峭拔全山皆石迤邐東去河水至積石關始出硤 阿木你達拉加山——在城東北六十里孟達工東即積石關山脉也 南屏山——在城南百餘步 白石山——

在城東南二百數十里宋時謂露骨山今俗名太子山山巔積雪冬夏不消故又曰雪山石骨傑出高入雲表數百里外能望見之由東而西而北直抵積石關明設二十四關皆在此山崖谷之間 石門山——在城東南一百九十里即土門關也兩山中斷灘水自口外經廳境流入關爲河州界 打兒架山——在城東南九十里 料東山——在城南二百五十里火力藏寨山多大木 觀音山——在城南二百里 阿米脫縱山——在城南三百三十里下則蓋寨 塞木力山——在城南三百三十里哈家寨山多大木 泥什山——在城南三百三十里哈家寨山多大木 宗務山——在城西八十里下龍布寨林木茂盛居民薪材多取給焉 撒弄山——在城西八十里且郡莊山多大木 元固山——在城西六十里查漢大寺工山多大木 大石山——在城西南一百五十里和洛那寨扎什其寺 煙墩山——在城西南一百二十里保安堡 蓮花山——在城西南一百三十里保安堡 雙朋山——在城西南一百六十里阿巴喇寨 迨赫弄山——在城西南一百六十里加臥寨 多力山——在城西南一百六十里加臥寨卡錯寺 角木山——在城西南一百七十里錯勿日寨 速古山——在城西南一百八十里沙卜浪寨山多大木上有葉冲寺 達任山——在城西南一百八十里多巴寨山多大木上有達任寺 且布山——在城西南一百八十里多巴寨 捏貢川——在城南二百里即甘家川 名合贊寨川——在城南三百五十里 下則蓋川——

在城南三百五十里 黑錯寺川——在城南二百八十里 阿卜楞寺川——在城南二百里 黃河——自貴德廳境西流入宗務硤保安河南來注之徑查家工北邊都溝水南來注之自宗務硤至積石關凡一百四十里 河水東過隴西河關縣北水經及漢書地理志曰漢宣帝神爵二年置河關縣蓋取河之關塞也河水又東北流入西平郡界左合二川南流入河又東北濟川水注之又東經澆河故城北有二城東西倚角東北去西平二百二十里又東北經黃川城又經東城石南左合北谷水又東北經貴德城南西北去西平二百一十七里又東北經廣威城北右合烏頭川水又東經鄯川城南又東臨津溪水注之又東經臨津城北白土城南十二州志曰左南津西六十里有白土城城在大河之北而為沿河濟渡之處右東左會白土川水又東北會兩川左合二水參差夾崖連壤負險相望河北有層山

保安河——亦曰野雀河源出於廳屬合兒番寨之素古山北流經野雀硤東出保安堡東南境西北流一百五十里入黃河 清水河源出貴德屬之素古山經火納坪塘西至古隆莊西南入保安大河俗稱之為昂拉河 恩沾木河源出廳屬之加臥番寨加撒山經恩沾木莊入保安大河 哈麻溝河源出廳屬之鉄布番寨什達隆山經保安

城西入大河

灘水即——大夏河源出達那河自廳屬西南之蒙古界流入經拉卜楞寺一百五十里至上南拉寨 咱又河——源出咱又塞硤中自西南下 哈家河——源出洮州之哈家寨自東南來合流注之遂名噶河至橋溝寺曰橋溝河 且隆河——源出打兒架山溝中北來注之出土門關入河州境自上南拉寨至土門關凡一百二十里 灘水——在廳境凡二百七十里灘水有支流名白石河者源出西南邊外打城達巴

罕山 郭茂泉——在城南五十里純義溝 溫泉——在城西南一百八十里且布山附近居民有疾或就泉浴或飲其水輒愈 郭隆泉——在城南五十五里 恰布欠泉——在城南五十里 撒茂泉——在城南五十里 沙東隆哇泉——在城東七十里 寧巴溝亂泉——在城東七十里起台溝 夕廠溝亂泉——在城東九十里 托巴泉——在城西四里樹木茂密多棲鷺鷥水鴨有似鷗而頸長者慣啄生魚為食俗名之為釣魚郎 藥水泉——在城南一百里捏剛洞側 札木泉——在城東三十里張哈工札木莊 五山池在城東南一百二十里打兒架山山頂六月積冰遇旱禱之

新設丹噶爾廳

北極山——在城東北里許七峯排峙狀如列星山間朝暮常有五色雲氣廟宇輝煌相為掩映 松蛾山——在城東南三里一峯突起上挺孤松五色金蛾飛舞松間望之栩栩欲仙令人起遐逸之思 南屏山——在城南四十里羣峯聳峙峭壁之中有經歲不消之積雪雨過月明自遠望之如玉屏焉 人峯山——在城西二十五里嶺有奇石岸然獨立如偉丈夫故名 瀑布山——在城西二十五里陽坡溝山腰有泉懸流而下勢如瀑布又綠樹陰濃映帶上下風雨之際泉聲樹聲幽然可聽大可清俗慮而起道心故俗名曰神樹灣 隔板山——在城西二十五里疊嶂嵯峨高出雲表萬樹排列如隔如架故名 照壁山——